



Na osnovu člana 3. stav (1) Zakona o službi u OS BiH („Službeni glasnik BiH“ broj:88/05, 53/07, 59/09, 74/10 i 42/12), a u skladu sa odredbama 2., 20., 21., 22., 23., 24., 25., 26. i 27. Pravilnika o školovanju i usavršavanju u MO i OS BiH broj: 13-02-3-1632/10 od 01.04.2010.godine, a u cilju odabira kandidata/kinja za školovanje na Vojnim akademijama u inostranstvu, Ministarstvo odbrane Bosne i Hercegovine raspisuje,

JAVNI KONKURS
za školovanje kadeta na Vojnoj akademiji Univerziteta odbrane u
Republici Srbiji - Beograd za školsku 2016/2017. godinu

I – PREDMET KONKURSA

Ministarstvo odbrane Bosne i Hercegovine raspisuje javni konkurs za školovanje 10 (deset) kadeta na Vojnoj akademiji Univerziteta odbrane u Republici Srbiji - Beograd na studijskim programima „Menadžment u odbrani, Vojnomašinsko inženjerstvo, Protivvazduhoplovna odbrana, Vojno vazduhoplovstvo i Logistika odbrane“, za školsku 2016/2017. godinu, po sljedećem:

- a) 2 (dva) kadeta za studijski program „Vojno vazduhoplovstvo (školovanje oficira pilota helikoptera)“ u trajanju od 5 godina,
- b) 4 (četiri) kadeta za studijski program „Menadžment u odbrani – modul pješadija 2 kadeta (školovanje oficira pješadije), modul oklopne jedinice 1 kadet (školovanje oficira oklopnih jedinica) i modul artiljerija 1 kadet (školovanje oficira artiljerije)“, u trajanju od 4 godine,
- c) 1 (jedan) kadet za studijski program „Logistika odbrane – modul održavanje (školovanje oficira tehničke službe)“, u trajanju od 4 godine,
- d) 2 (dva) kadeta za studijski program „Vojnomašinsko inženjerstvo – modul municija 1 kadet (školovanje oficira tehničke službe) i modul motorna vozila 1 kadet (školovanje oficira saobraćajne službe)“ u trajanju od 4 godine.
- e) 1 (jedan) kadet za studijski program „Protivvazduhoplovna odbrana“ – modul ARJ PVD 1 kadet (školovanje oficira ARJ PVD)

II – USLOVI KONKURSA

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10 i 42/12“):
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama,
 - c) da nije osuđivan na bezuslovnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,

- g) da ima odgovarajuću stručnu spremu potrebnu za obavljanje određene dužnosti. (Uslov koji će biti ispunjen po završetku vojne akademije).

2. Posebni uslovi:

- a) završena srednja škola IV stepen, ili da trenutno pohađa IV razred srednje škole,
- b) da je u svakom razredu postigao/la najmanje vrlo dobar uspjeh (kandidati/kinje sa prosjekom ocjena odličan će imati prednost ako dva ili više kandidata/kinja imaju jednak ukupan broj bodova),
- c) kandidati/kinje koji trenutno pohađaju IV razred srednje škole, po završetku istog, a najkasnije do 20.06.2016.godine, moraju dostaviti ovjerene kopije svjedočanstva i diplome Sektoru za upravljanje personalom Ministarstva obrane Bosne i Hercegovine,
- d) kandidati/kinje koji trenutno pohađaju IV razred srednje škole, po završetku istog, moraju u svjedočanstvu imati minimalno isti prosjek ocjena iz svih predmeta kao i u svjedočanstvu sa polugodišta četvrtog razreda koje su predali u dokumentima za prijavu na javni konkurs Ministarstva odbrane BiH zadržava pravo na prekid postupka upućivanja kandidata/kinje za kadeta na školovanje ukoliko lice nema minimalno isti prosjek kao i na polugodištu četvrtog razreda,
- e) da nije mlađi/a od 18 i stariji/a od 22 godine na dan 15.09.2016. godine za studijski program „Vojno zrakoplovstvo“, odnosno od 23 godine za ostale studijske programe,
- f) poznavanje rada na računaru (Word, Excel, Power Point, Internet),
- g) fizička spremnost:
 - kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi i trčanje na 3200 m.

Napomena: Kandidati/kinje prijavljeni na Javni konkurs proći će test fizičke spremnosti, test općeg znanja i intervju. Sigurnosnu provjeru za svakog uspješnog kandidata/kinju izvršit će nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.

Kandidat/kinja ima pravo prijave na maksimalno 2 (dva) studijska programa.

Kandidati/kinje za kadete studijskog programa „Vojno zrakoplovstvo“ moraju da ispune i dodatne uslove propisane posebnim programom, medicinsko-zdravstvene i psihološke ocjene kandidata/kinja za taj studijski program. Ocjena kandidata/kinja po ovom programu vrši se na Vojno-medicinskoj akademiji u Beogradu, Republika Srbija. Termin ocjene biti će naknadno određen.

Rangiranja kandidata/kinja vršit će se na osnovu kriterija koje će odobriti Ministrica odbrane Bosne i Hercegovine i sa kojima će biti upoznati kandidati/kinje koji budu pozvani na testiranja i provjere.

III – ŠKOLOVANJE, PRAVA I OBAVEZE

1. Školovanje kadeta na Vojnoj akademiji Univerziteta odbrane u Republici Srbiji – Beograd na studijskim programima „Menadžment u odbrani, Logistika odbrane, Protivzračne odbrane i Vojnomošinsko inženjerstvo“ traje 4 (četiri) godine.
2. Školovanje kadeta na Vojnoj akademiji Univerziteta odbrane u Republici Srbiji – Beograd na studijskom programu „Vojno zrakoplovstvo“ traje 5 (pet) godina.
3. Odabrani kandidati/kinje imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj:88/05, 53/07, 59/09, 74/10 i 42/12) i članom 29 Zakona o platama i naknadama u

institucijama Bosne i Hercegovine („Službeni glasnik BiH“, broj:50/08, 35/09, 75/09, 32/12 i 42/12).

4. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.

5. Međusobne obaveze kandidata/kinja izabranih za školovanje na Vojnoj akademiji Republike Srbije i Ministarstva obrane Bosne i Hercegovine regulišu se Ugovorom o školovanju.

6. Za vrijeme školovanja kadetima su osigurani smještaj i ishrana u internatu Vojne akademije.

IV POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na www.mod.gov.ba),
- b) Ovjerenе kopije svjedočanstava svih razreda srednje škole,
- c) Ovjerenа kopija diplome četverogodišnje srednje škole odnosno, svjedočanstva sa polugodišta četvrtog razreda ukoliko lice pohađa četvrti razred,
- d) Original ili ovjerenа kopija Uvjerenja o državljanstvu na novom obrascu, ali ne starije od 6 (šest) mjeseci,
- e) Original ili ovjerenа kopija Izvoda iz matične knjige rođenih na novom obrascu, ali ne stariji od 6 (šest) mjeseci,
- f) Uvjerenje o nevođenju krivičnog postupka, ne starije od 3 (tri) mjeseca,
- g) Potvrdu ili uvjerenje institucije/pravne osobe da u posljednje 3 (tri) godine nije otpušten/a sa posla zbog povrede službene dužnosti (za kandidate/kinje koji su bili ili su još zaposleni) ili Izjava kandidata/kinje ovjerenа kod nadležnog općinskog organa,
- h) Prijava boravišta CIPS-a ne starija od 6 (šest) mjeseci,
- i) Dokaz o poznavanju rada na računaru (za kandidate/kinje koji tokom srednje škole nisu imali predmet informatika).

Napomena: Konkursna dokumentacija neće se vraćati kandidatima/kinjama.

V ODABIR KANDIDATA

Odabir kandidata izvršit će Komisija koju će formirati Ministrica odbrane Bosne i Hercegovine.

VI PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98


71 000 Sarajevo

Sa naznakom „Javni konkurs za školovanje kadeta u Republici Srbiji“

Konkurs ostaje otvoren 15 (petnaest) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovog Javnog konkursa, kao i kopije tražene dokumentacije koje nisu ovjerene, neće se uzimati u razmatranje.

Broj: 10-33-2-1737-7/16
Sarajevo, 05.05.2016. godine



MINISTRICA

Marina Pendeš